

I cui e' stu ccappottu

-Poemetto storico-

Non eppi mai fortuna
nta vita Micantoni,
o jornu iju spachiava
e l'autri stavianu boni.

Lavuru non ndavia
li figghi avia a campari
studiava notti e jornu
l'arti di l'arranciari.

Ndi fici di misteri,
persinu u pecuraru,
ma sordi ndi tenia
quant'acqua nto panaru.

Di debita era chinu,
fatti chi putighari,
arrobba sa pigghiava
ma non potia pagari.

Nto misi di dicembri,
nu jornu i friddu forti,
a casa i Micantoni
bussavano alli porti

“Apriti donna Lina
ca sugnu Don Peppinu,
vorria mu vi parru
di l'omu a vui vicinu.

Vu forzi non sapiti
ca lu vostru maritu,
spissiandu nta putigha
di debita è nguaiatu.

A mia m'ha di pagari
sinnò u chiam'in giudiziu
e intra la galera
u iettu a precipiziu”.

Rispundi donna Lina,
cu li maneri boni:
“ss'accunti nci portati
a mastru Micantoni.

Non vogghiu chi sapiri
chiju chi cumbinau,
a nui, pani nta casa
non tantu ndi portau!”

No propriu rassegnatu
don Peppi sindi iu
mu ncuntra u debitori
tenia tantu disiu.

“Mio caro don Peppino,
ripigghia Micantoni:
io vorria u vi pagu
ca siti aggenti boni.

Ma si non c'è lavuru
e da matina a sira
giu comu nu pacciu
in cerca di na lira !!”

“Non mindi futti nenti
di chiju chi tu fai
si non mi paghi u cuntutu
ja o giudici a mu vai.

O vinti di frevaru
a mu veni a Melitu,
ja supra a prefettura
vestutu cchiu pulitu”.

“Io chisti tegnu arrobbi,
pe Pasca e pe Natali,
si no vi staci beni
no vegnu o tribunali!”

“U viu pe daveru
di comu si ridottu,
ma basta pemm'u veni
ti prestu nu ccappottu”.

“Si jè piaciri u vostru
e arrobbi mi prestati
statindi puru certu
c'a ccausa mi trovati”.

E vinni chiju jurnu
chi a causa si faccia,
cu lu bellu ccappottu
Micantoni cumparia.

Attacca lu Preturi
cu l'interrogazzioni:
“Volete voi pagare
Le vostre obbligazioni ?”

“Ca quali obbrigazzioni
Carissimu preturi . . .
lu nostru don Peppinu
è nu pocu allacciaturi !

Io nenti nci haiu a dari
e u sannu tutti quanti
vi lu pozzu giurari
a nomi i tutti i Santi !!

“Ca comu dilinquenti,
tu t’abbuttasti i vinu,
e non pagasti mai
mancu menzu carrinu !

Di pasta e di cunserve
tu ti linchivi u saccu
e mo volarissi
a mia u mi cali u paccu ?

Io vogghju mu mi paghi
c’a leggi apposta è fatta,
sinnò scunti i galera
così a facimu patta !”

“Ma guarda ssu cristianu
Comu trovau a mia,
chiju chi sta dicendu
è tuttu na bucia.

Sentiti gran Preturi
Chi a leggi aviti a fari,
chissu po diri puru
c’o Poru nc’eni u mari !!

. . . Iju non poti diri
ca stu ccappottu è u soi
e vui nci ati a cridiri
si giura prima o poi!”

“Ca comu, mascalzoni,
no tu prestai io,
nci u dezi stamatina,
pe quant’è bberu DDio !”

“Vu dissi io ca giura
ped’essari cridutu
vui chi nci rispundtiti
si vi chiama cornutu ?

Sentiti a mmia preturi
ca su nu povaracciu,
chistu ccappottu è u mio
e incoju non mu cacciu.

Lu don Peppinu avi
nta testa lu sbariari,
penza ca tuttu u mundu
a iju nci'avi a dari.”

Cusì sentenza misi,
lu pretur'i Melitu:
“Assorvu a Micantoni,
ch'è onestu e jè pulitu.”

Gridandu don Peppinu:
“Micantoni crudu e cottu,
li sordi m'intaiau
e mi futtiu u
CCAPPOTTU!!

F.S. 4.02.2009

A handwritten signature in black ink, appearing to be 'F.S.', written in a cursive style with a long horizontal stroke extending to the right.